

16. maji. 2017

Silaannakkut angallannermi kimmut aqqudimik ammaasoqarsinnaaneraniq periarfissaq pillugu misissueqqullugit Naalakkersuisut peqquneqarnissaannik Inatsisartut alajangiiffisassaattut siunnersuut, misissuinerup inernerani kingusinnerpaamik UPA2018-imi saqqummiunneqassaaq.

(Inatsisartunut ilaasortaq – Vivian Motzfeldt, Siumut)

Siullermik Siumumiit nuannaarutigaaqput siunnersuuteqartup periarfissanik nutaanik misissuitittiniarluni siunertaqartumik aalajangiiffisatut siunnersuuteqarnera.

Ukiuni makkunani malunnarpoq issittup soqutigineqarnera annertusiartuinnartoq. Ilaatigut ilisimatusarnikkut takornariaqarnikkullu.

Taamaammatt angallannikkut kimmut periarfissat qanoq isikkoqarsinnaaneriniq qulaajarnissaat Siumumiit ilalernartippagut. Minnerunngitsumillu takuneqarsinnaammatt nunarsuaq tamakkerlugu silaannakkut angallanneq annertusiartuinnartoq. Ukiut tamaasa silaannakkut angallanneq siuariartorfiulluni.

Aammattaaq nunatsinni silaannakkut angallannikkut aqqissuusseqqinneq ingerlasoq, Nuummi Ilulissani Qaqortumilu mittarfissat. Pilersaarutit ilusiniikkiartuaarput. Nunatta attaveqaatitigut ullutsinnut tulluussarnera ingerlajuartariaqarmat.

Tamakku ilanngullugit nalilersuinermi oqimaalutagassaassasut, aammalu periarfissanik nutaanik nassataaqarnissaat naatsorsuutigigatsigu, siunnersuut Siumumiit ilalernartippaarput taamatullu isikkoqartillugu aappassaaneerseqarnissaa inassutigaaqput.

Jens-Erik Kirkegaard, Siumut.